

# Emir Huskić, dipl. socijalni pedagog - Magistarski rad

Fakultet/Akademija	EDUKACIJSKO REHABILITACIJSKI FAKULTET
Tip Rada	Magistarski rad
Kandidat, zvanje	Emir Huskić, dipl. socijalni pedagog
Naziv Teme	Tretman u okviru izvršenja kazne zatvora u Kazneno-popravnom zavodu poluotvorenog tipa u Tuzli
Rezime/Abstract	<p>Predmet ovog istraživanja je tretman zatvorenika u okviru izvršenja kazne zatvora u Kazneno-popravnom zavodu poluotvorenog tipa u Tuzli. Karakteristike tretmana sagledane su iz perspektive zatvorenika i osoblja. Prvi cilj istraživanja je sagledavanje percepcija zatvorenika o toku i efektima tretmana. Drugi cilj istraživanja je ispitivanje percepcije osoblja o organizacionom funkcionisanju zatvora. Uzorak čini 100 zatvorenika oba pola i 20 uposlenika službe za organizaciju tretmana i službe osiguranja. Za prikupljanje podataka o zatvorenicima primjenjeni su Opšti upitnik i upitnik pod nazivom Klijentova procjena sebe i tretmana (Client Evaluation of Self and Treatment –CEST, Joe et al., 2002). Podaci o osoblju prikupljeni su Upitnikom o organizacionom funkcionisanju (Survey of Organizational Functioning – SOF, Lehman et al., 2002). Najvažniji rezultati istraživanja su: zatvorenici imaju generalno pozitivniju percepciju vlastitog učešća u tretmanu, neutralne percepcije o karakteristikama i ponašanju vaspitača, dok su percepcije koje se odnose na ocjenu tretmana negativne; pozitivnije percepcije toka i ishoda tretmana imaju zatvorenici ženskog pola, starije dobi i niže stručne spreme, dok bračni i radni status nemaju uticaja na percepcije zatvorenika; pozitivnije percepcije toka i ishoda tretmana imaju zatvorenici koji su osuđeni za krivična djela protiv života i tjela, kojima su izrečene kazne u dužem trajanju i koji nisu ranije osuđivani; osoblje zatvora pozitivno ocjenjuje vlastito ponašanje na radnom mjestu, ali da su ocjene svih ostalih aspekata organizacione klime neutralne ili negativne; uposlenici službe osiguranja statistički značajno negativnije percipiraju resurse ustanove, dok se u pogledu procjene drugih aspekata organizacionog funkcionisanja ne razlikuju od uposlenika u službi za organizaciju tretmana. Rezultati ovog istraživanja pokazuju da zatvorenici sa različitim socio-demografskim i kriminološko-penološkim karakteristikama različito percipiraju tok i efekte tretmana, što ukazuje na potrebu izrade diferenciranih rehabilitacijskih programa kako bi se povećala efektivnost tretmana u zatvorima tokom izvršenja kazne. Na osnovu rezultata može se izvesti zaključak da uposlenici nemaju pozitivnu percepciju organizacijskog funkcionisanja zatvora, zbog čega je potrebno unaprijediti prostorne i materijalne uslove kako bi osoblje kvalitetnije obavljalo svoj posao. Ključne riječi: CEST, kazna zatvora, KPZ Tuzla, organizaciono funkcionisanje, SOF, tretman</p>
Datum	26.05.2015
Predsjednik	Dr. sc. Ranko Kovačević, vanredni profesor izabran za užu naučnu oblast „Poremećaji u ponašanju«, Edukacijsko-rehabilitacijski fakultet Univerziteta u Tuzli
Mentor	Dr. sc. Vesna Žunić-Pavlović, redovni profesor izabrana za užu naučnu oblast „Specijalna edukacija i rehabilitacija u prevenciji i tretmanu poremećaja u ponašanju“, Fakultet za specijalnu edukaciju i rehabilitaciju Univerziteta u Beogradu
Član komisije	Dr. sc. Meliha Bijedić, docent izabrana za užu naučnu oblast „Poremećaji u ponašanju“, Edukacijsko-rehabilitacijski fakultet Univerziteta u Tuzli
Član komisije	-
Član komisije	-
Zamjenski član	dr.sc. Milena Nikolić, docent, uža naučna oblast „Intelektualne teškoće“ (ekvivalent novoj užoj naučnoj oblasti „Specijalna edukacija i rehabilitacija“) na Edukacijsko-rehabilitacijskom fakultetu Univerziteta u Tuzli
Dodatni detalji i lokacija	Dana 26.06.2015. godine u 13 sati na Edukacijsko-rehabilitacijskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.